


叢書集成續編 第一六二冊目錄

文學類



詩文別集——清

養園讀彙三卷

清 盛炳緯著

四 明 一

浣花廬詩鈔四卷賦鈔二卷

清 唐受祺著

太崑先哲 四七

詩文別集——民

焚餘草一卷

民 張伯楨撰

滄 海 九五

容膝軒文集八卷詩草四卷

民 王榮商撰

四 明 一〇三

詩文別集——日本

白石遺文二卷

日 新井君美著

甘 雨 亭 二八五

白石遺文拾遺二卷

日 新井君美著

甘 雨 亭 三三一

樂我室遺稿四卷

日 朝川鼎五鼎父撰

崇 文 三七五

補遺：詩文別集——明

嶧桐集二十卷

明 劉 城撰

貴池先哲 四七三

附劉城先生年譜一卷

民 劉世珩編

養園膳稿

四明張氏約園開雕

序

養園先生以庚午七月卒義寧陳散原既爲之傳稱道先生按試廣信呼名有應以楊宗簡者詢而識爲鄉賢慈湖先生苗裔由是得慈湖墓於貴溪之羅塘引爲至快先生亦嘗以此語壽鏞云慈湖大儒也其將葬門人建昌傅正夫訪眞西山求銘西山曰不敢或使序其梗概而表於墓門其責差輕而可勉壽鏞何能望西山萬一顧自甲申與仲弟壽鎬始師事先生以迄易簣啓手足先後凡四十七年昌黎所謂移時則必有合合必兩

養園集序

四明叢書
約園刊本

忘其所趨久然後去者非邪先生少先君子十歲同居詞館序寸草廬贈言謂官京師寓廬咫尺朝夕過從無虛日生平風義在師友間相見必商榷文字時或彼此互述世德紀實也蓋先生爲荅洲觀察仲子家學淵源其來有自乙酉督學四川才三十一歲耳歲餘遭觀察喪去官辛卯復督學江西乙未任滿假歸時浙省猶未有學堂也先生開風氣先爲之物色教師爲之籌畫常費爲之建築講舍名稱屢易事實不更今南郊寧波中學是也先生撰陳氏翰香學校記曾及之當乙巳之秋

萍鄉黎公兆蕃爲吾郡太守汲汲興學有志改革張讓三丈與壽鏞倡廢書院之議毛价臣奔走最力至臥不貼席病而出淚一時陳杞懷陳慥夫馮汲蒙孫表卿最爲同調然科舉尙未停也和之者衆而墨守舊說者亦復不鮮先生周旋於新舊之間苦心孤詣一日集會至涕泣以道嘗與壽鏞書謂吾郡晦塞已久值瓜熟蒂落之日猶不能放手辦事開此十里霧自當屬之願大人力大之人某何足比數此雖先生之自謙而一時融化之不易於斯見矣晚歲居滬瀆翹然物表學養益粹每談

養園集序

四明叢書
約園刊本

朝章國故娓娓動人遇國家有大變故必憂形於色鄉之大事更未嘗稍去於懷其尤盡力者在寧波和豐紗廠散原所謂利民生而便工商資無不集事無不舉者此其一也嗚呼人生有涯少年一得志睥睨斯世舉無足動其心環而待我若士若農若工商漠然如秦越比惟身家子孫謀者皆是也聞先生之風亦可以少媿矣先生爲文不自收拾多散佚既沒壽鏞與詰嗣在現同孫叔衡序祖燕方言宜哀輯其僅存者公諸世不幸同孫序祖相繼卒在現叔衡燕方輯成示壽鏞因付剞劂

橐中如上諮議局書上浙江巡按使書述中校緣起記
中校建築始末倉基陳氏翰香學校記皆犖犖大者昔
錢公桂森稱之曰歐曾之亞今讀其稟益信先生慕仰
慈湖者也慈湖以忘富貴利達勸西山先生於仲弟之
亡輓之曰空消受十年仕宦最難忘兩家淵源今壽鏞
學無所成獨後死耳幸得優游歲月埋首文字閒於先
生之學竊聞一二序其梗概固弟子之責也而吾郡學
風之由肇得考而知之民國二十六年一月受業張壽
鏞序

義寧陳三立撰

二 四明叢書
約園刊本

前江西學政翰林院編修盛君家傳

義寧陳三立撰

鎮海盛君省傳諱炳緯湖北安襄鄖荆兵備道諱植型
次子也兵備公清節循政播聞中外維君繩前列益發
名於時天質挺異生十歲即以善屬文應郡試號爲聖
童兵備公官吏部從肄業國子監司業錢公桂森見其
試列高等文稱曰歐曾之遺也歸補縣學生光緒己卯
舉鄉試庚辰成進士選庶吉士授編修時君聲名籍甚
顧不務徵逐競聲氣日求書海王村累十餘萬卷夙夜

義寧陳三立撰

一 四明叢書
約園刊本

披誦泊如也乙酉奉命督學四川君至察使署吏胥類
與就試士巧賢射利學使者亦相沿納其例進曰陋規
坐是弊藪牢結不可拔君立予禁斷風趨爲一變歲餘
遭兵備公喪去官服除復督學江西甲午鄉試代巡撫
爲監臨江西當宋明之際人文稱最盛今愈衰歇矣運
會致然耶抑培才無其具耶君以南昌經訓書院依樸
學課士績頗著於是按試所至就郡縣選高才生百數
十人入與共學並蠲所藏書三萬卷置其中講習漸摩
所成才益眾君以母太夫人春秋高受代乞歸養尋浙

撫承詔舉賢才首以君應謝不赴及太夫人年登八十
四始卒君鄉居已十五年世變亦益極遂不復出朝廷
既採用新法趣立學海內嚮風君曰既棄跡於國當陳
力於鄉首創設寧波儲才學堂後爲中學堂新建舍宇
規制宏壯爲浙中諸校冠又籌增縣鯤池書院廩給與
設備之費又設縣中學堂皆君辛苦奔走糾資累鉅萬
成之言教育者翕然歸心焉全浙學務公所立推君爲
之長雖避不居其名而維繫贊助無不至以故披猖之
說甯陵一逞之習猶得君樹之鵠而陰救其弊他若通

甯波縣志

家傳

四明叢書
約園刊本

航造軌振災恤患利民生而便工商者爲君所號召資
無不集事無不舉惠澤之所被遠矣晚歲居滬濱超然
物表隱几寤歌以全其真庚午七月卒享年七十有六
配王夫人生子在瓊同孫叔衡繼配王夫人生子序祖
燕方墓在鄞西南鄉柴家山之麓

陳三立曰君以承明著作之才前後奉使持衡兩州於
造士得人可謂有勞矣退居猶汲汲務興學終始不貳
其精魂所淬厲何如哉聞諸鄉父老君之按試廣信也
坐堂皇按籍呼名有應以楊宗簡者君心動詢而識爲

鄉賢慈湖先生苗裔由是得先生墓於貴溪之羅塘大
喜過望引爲平生所至快雅量高致爲想見之焉

甯波縣志

家傳

四明叢書
約園刊本

養園讀彙目錄

卷一 文

蛟川詩繫序

上諮議局書

趙母馮太恭人哀辭

上浙江巡按使書

老友慈谿王君煥文七十壽序

述中校緣起

記中校建築始末

養園讀彙目錄

題孫子授年丈畫冊

張氏寸草廬贈言序

嚴筱舫先生事蹟傳信錄序

勤稼別墅記

猶子蘭孫五十贈言

上海四明醫院記

祭清話授建威將軍浙江提督軍門呂公道生文

甬上青石張氏家譜序

卷二 文

外舅王海帆先生德配外姑謝夫人七十壽言

甌海觀政錄序

黃母朱太夫人八十壽序

題鎮海向氏先世畫像

茗香館詩草序

謝節婦家傳

傅曉春先生家傳

何旭蕉先生家傳

題謝母王太夫人遺像

養園讀彙目錄

藤雪樓詩鈔序

莫伯兄醉六文

上虞經氏族譜序

炳桂經君家傳

童小橋先生遺稟序

周星北六十壽序

虞君澄齋墓表

莫從弟竹書文

題孫文愨公書客座私祝

四明叢書
約圖刊本

題孫文愨公山水畫卷

題孫文愨公書楹聯

倉基陳氏翰香學校記

陳季生君家傳

卷三 詩

題施丈雪舲採芝圖小影二首

代伯兄醉六挽林雪帆親家四首

挽金翁鏡芙二首

壽江年嫂王夫人七十

壽趙姻嫂裘夫人七十二首

和張鎮峯五世稀古詠四首

張公權之尊人潤之先生暨德儷劉夫人六秩雙

壽

壽周个亭五十

題賀宋唐僧裝趺坐圖二首

節孝張母馮淑人七十壽四首

沈君變臣爲子納婦翌日爲母楊太夫人稱觴祝

七秩壽賦此奉賀

壽陳少石同年

陳君琴舲八十壽

壽李寶裕七十

壽詹母鄭太夫人八十

題明遺獻辛克羽先生遺像

謝君蘅聰於梅墟故鄉勸設求精學校已屆廿載

賦此以紀

挽費冕卿

洪潛菊先生暨德儷鄭夫人七秩壽

壽趙芝室五十

壽魏伯楨五十

壽馮保魯八十

壽陳星白七十

張仲玉廳長出示先德蘿薌先生小瀛洲圖囑題

率成二絕以應

挽洪復老

題盛蔚堂知事松亭餞別圖二首

林孟垂世講五十初度四首

林孟垂世講五十初度四首

林孟垂世講五十初度四首

挽俞雲蓀

題袁履登白首娛親圖二首

題徐仲麟課子圖

壽蔣東初六十

袁燮元先生八秩弧慶暨德儷胡夫人六十雙壽

挽董淡生

挽陳子秀三首

挽謝母王太夫人二首

壽徐積夫七十

養廉集目錄

五四明叢書
約圖刊本

朱姻嫂汪太夫人七十祝旦

題黃涵之道尹先德春甫先生遺照二首

壽謝衡廳五十四首

壽陳蓉館五十

洪君滄亭示余三茅十景詩紀賦此以志嚮往二

首

挽嚴漁三四首

挽張子淵親家四首

翰香學校新校舍落成兼祝陳稻笠先生百齡誕

辰紀念

壽周星北六十二首

廣瑤許先生暨德儷楊夫人百四十歲雙慶

養廉集目錄

上八四明叢書
約圖刊本

養園臆藁卷一

鎮海盛炳緯省傳著

蛟川詩繫序

鄉先輩復莊姚先生詩古文詞刊行已久晚歲輯有蛟川詩繫一書凡三十有一卷蒐采自隋唐迄清嘉道朝本邑詩家凡三百四十五人各選詩數首或數十首並人繫以傳敘述事蹟藉存梗概書成藏於家歲乙未余得自先生後人見原藁皆先生手書行草閒雜篆古密行細字雖校非易儲之篋衍久矣老友范君柳堂見之

養園臆藁卷一

四明叢書
約圖刊本

願任雋校乃延之至家兩閱寒暑始得竣事吾邑介居海澨自歐化內漸風雅之道亦稍稍陵夷矣後生小子目不睹先哲遺著烏知夫千百年來鄉先生文采風流如斯之盛賴姚先生此編網羅散失闡發幽光俾鄉邦文獻之傳藉茲不墜不大幸歟炳緯馬齒加長抱此遺編儻遂放失使作者之精神與姚先生纂輯之苦心自我而湮沒則獲戾滋大適監造縣中學校落成尚有餘貲爰亟付手民排印期傳永久印成乃書其緣起如此

上諸議局書

100-111 72 115

25

竊論我國戶口繁庶何嘗無財自庚子北方拳亂鑄成鐵錯使我二十一行省安分良民歲輸五千萬償款流入外洋各布政司又鑄行不許完糧不准納稅之銅元巧取民財數達千萬於是百姓母財爲之一空而市面恐慌之現象以成嗚呼誰生厲階忍以此爲言商人罪耶上海爲我國金融總匯首受影響九月初旬遂有源豐潤大匯號停閉一事查我國習慣辦法凡商號官私存款遇有失事先清官款再理民欠源豐潤事同一律故各布政司各關道追索款項不留餘地視爲當然願

養園臆藁卷一

四明叢書
約圖刊本

愚獨以爲此在閉關時代專制政體利源無外溢之嫌良懦無走險之慮猶可言耳今則預備立憲之詔旨彰彰在人耳目且新政繁興無一不借資民力若沿襲不變專以官權爲足恃於官款務必取盈而民欠可置之不論非獨向隅者吞聲飲泣情豈能甘且使百姓心目知君民之地位懸絕官私之界域截然一旦國用告匱孰肯出其私財爲不關痛癢之官家盡茲義務據最近調查兩月以來滬上洋商如匯豐麥加利德華道勝荷蘭正金各銀行驟添存款四千萬元有某省人匯銀

元二十萬至麥加利該行拒而不納輾轉關說願歲息以活存計算始允兌收夫此四千萬元者皆我商號之所資以周轉洋行多一金之充積卽內地少一金之流通顧吾商民竟忍而出此者誠念中國商號及戶部交通通商等官銀行皆官款所集官權所在儻有差池民受摧抑不逮外國銀行之平等相視耳夫當此民窮財盡之秋因司牧者但知有官不知有民至於爲淵毆魚爲叢毆雀而曾不少悔民心益離民氣益激國計必日益窘國勢亦日益危此真可痛哭流涕者矣夫不有民何有國見小利則大事不成聖人之所切戒故愚以爲今日理財之道非發明君民一體之宗旨實行上下相維之政策殆不足以固人心而維國脈昔年頒布之破產律第四十條似未便因部臣爭執閤而不行應請貴局列入議案咨呈資政院從速核議凡商號虧欠官私各款應責令號主將財產和盤託出毋得隱匿俟彙集成數無分官私按成分派官不獨厚民不偏枯雖於公家稍似虧損然俾百姓曉然於憲政之利益君民一體得沾二百數十年來曠蕩未有之恩施庶幾急公好義

之心不擊而自動吾四百兆血氣之倫方將同心戮力以匡王室何必府庫之財乃其財乎萃已渙之人心儲不匱之財源輦無疆之國祚胥在於此卽外國銀行之漏卮亦不期塞而自塞矣吾浙西有蠶桑之利東擅海產之饒爲商務極重要之地若民氣久鬱公理未伸投資必懷疑懼貨賄安望流通且東南民俗與洋人狎習日久顧而之他勢本甚便異日銖寸之遺皆非我有是豈朝廷之福故願早爲之所而有以挽救之也芻見所及是否有當伏候詳擇施行

趙母馮太恭人哀辭

光緒二十四年九月二十有七日慈谿趙茂才家荃之生母馮太恭人終於郡城居第春秋五十有六家荃擗踊呼搶哀感行路炳緯旣就喪次慰唁家荃乃泣而言曰家荃不肖不足繼述先人屢試省闈復不獲邀世俗之榮以娛堂上今吾母已矣獨念平生懿嫻閱而弗彰恐從此無徵則不孝之罪滋大敢述一二以告吾子先生妣年始十五歸我先考府君逮事先王父通奉公先王母秦太夫人隨先妣沈太夫人侍奉庭闈絜治滄澹

凡十餘年先王母性方嚴舉家惕息惟恐忤意先生妣先意承旨務得歡心以此先考甚倚之比先王父母先後棄養先考猝遭風疾起居造次需人調護沈太夫人年既高先生妣乃躬任其勞自昏達曉恆屏息侍側衣不解帶先考病少閒命之稍休乃退而假寐有頃卽趨侍如初如是者蓋四載先考疾既不起先生妣劬苦之下重以哀痛體因以衰先生妣於不孝兄弟撫之極慈而約束綦嚴遇嫡兄家薰家法家芬尤敬禮有加常飲然意下苦不自勝至愛吾諸弟家藩家蓀家蓀則恩斯

卷一

五十四明故書

約圖刊本

勤斯不啻已出先生妣自奉綦薄惟性喜施與往往損己益人親友以緩急告者必量力扶助下明而恕感恩者或終身不肯去故卒之日奴婢皆號哭失聲先生妣體素充實早歲猝聞母喪遂得心疾是爲致病之始既遭先考大故歲乙酉不孝之同產兄遽爾逝世越五載伯兄家薰復捐館舍骨肉之變重遇疊見先生妣哭之極慟自此神氣沮喪而疾深矣不孝其頑無知奄忽歲月不克早施補救乃至疾愈進而不可治而今而後遂爲無父無母之人此人之至痛不孝之罪大也蓋

家荃之言如此謹案太恭人氏馮江蘇無錫人歸道銜江蘇候補知府趙公樸齋爲側室有子二人長早卒次家荃附貢生援例捐郎中銜加一級請四品封典得封母爲太恭人女子三人長適余亡弟炳緒前卒次適定海厲玉夔次適慈谿盛士廉余之族人也余於趙氏既有姻誼邇年卜居郡城去家荃之宅蓋百步而近以是過從益數嘗歲時登堂問候起居於太恭人之居心行事頗知其梗概其沒也烏得無辭辭曰

卷一

五十四明故書

約圖刊本

賢母之來嬪兮幸處順而安常世乃視爲庸德兮羌有美而弗彰思彷彿其懿淑兮愧語焉而莫能詳哀鮮民之在疚兮將終古其永傷

上浙江巡按使書

昨奉來函詢及辦辦和豐紗廠之經過情形並現在事實仰見巡按使注重實業之至意查和豐紗廠始於前清光緒三十二年股本六十萬元紗錠一萬一千二百枚開辦數年損耗至三十六萬元勢甚危岌宣統元年延炳緯爲名譽董事共圖挽救並約令不需股分不擔金錢干係炳緯自願購股一萬元以示利害與共之

意核算原有紗錠逢極佳之時會僅可獲入釐官息炳緯念此永無恢復之望爰建議添錠五千六百枚約需洋十二萬元其時本廠信用已失告貸無門由炳緯首先籌借三萬元復由諸董事合借九萬元始得集事宣統二年本廠發行借債證券鮮有應者由炳緯首先認購一萬元以爲之倡甫及進行而辛亥光復軍起紗廠停工是年冬據經理顧釗報告每月須損耗八千元炳緯念前耗三十六萬元若停車一年又增十萬全廠休矣爰於民國元年二月建議照舊開工因運本全無由

卷一

七四明叢書

約園刊本

炳緯向上海興業銀行陸續借款五萬兩由個人擔任干係至舊欠甬江各錢莊之款由炳緯擔保約期歸還俾紗廠得安心營業是年仗經理人之實心實力獲利四十萬元炳緯念危險幸已脫免爲永久獲利之計莫如再添紗錠爰建議再行借債十五萬元按月提存餘利五千元期以三年還清由炳緯首先籌借五萬數千元復由諸董事合借十萬元因得陸續添紗錠六千數百枚計二年三年獲利之數歲各二三十萬元於是和豐廠基固矣初辦之初原有紗錠一萬一千二百枚現

有紗錠二萬三千二百枚視昔已加倍有餘每紗一件核算做工及廠繳向需二十四元現可減至十四元首次添錠之借款十二萬元現已還清二次添錠之借款十五萬元已每月提存預備於明年春季一律還清前次股東會決議每股單一百元者可換給新股單一百五十元循是以往但使經理得人可無失利之患至初辦和豐紗廠係顧釗周墉戴勳鄭賢滋范翊鈐錢坤裕屠友益諸人炳緯未預其列近三年中計共獲利百萬皆仗經理顧釗副理魏振勳坐辦張同彝諸人苦心

卷一

八四明叢書

約園刊本

規畫炳緯無尺寸之勞未敢掠美既承垂問不敢不據實上陳至查詢履歷炳緯本籍鎮海現籍鄞縣浙東一小民耳謹此上聞惟希鑒警

老友慈谿王君煥文七十壽序

往歲余自京師歸應省試假館於鄞城西趙氏時趙氏家門鼎盛姻丈樸齋封翁以名德重望爲上海錢業董事商界推爲巨擘聰明才傑之士奔走門下趾相錯也哲嗣瑾伯諸昆季方散財結客賢士大夫爭相納交春秋佳日羣展聯翩有座客常滿樽酒不空之概顧其家

事無鉅細必以屬之煥文王君君亦視趙事如己事左右勸勤不遺餘力抑若爲應盡之義務也者余心竊異之一日從容叩君所以君語余曰吾生長田間一農家子耳自趙太公遇我厚識之於童年而愛猶骨肉今耿耿此心無一日忘也吾周旋趙氏諸郎閒有善則勸有過則規情意有隔閡者吾爲曲折以融洽之使各各稱意而後快而諸郎亦待我猶親昆弟相見以心久而益敬夫士爲知己者用其又奚辭旣而茫然曰子知我託業之所在乎趙氏營業所及南盡蘇松北達燕齊需才

卷一

九十四明叢書
約圖刊本

多矣使占一優勝之位置當不吾卻而吾顧執業於城東帽肆冉冉三十餘年投薄貲而營微利焉無他求也余聞而益重之余與君相知旣稔交乃日益親他日余家有事爲余力所不能任者輒挽君爲之經紀君亦夙夜勤劬一如其爲趙時其愛我亦與待趙氏諸郎無異用是益歎君之肫誠懇摯根於性生所謂爲人謀而必忠者非欺君性行至孝自來甬上越數日必歸省母夫人安否孺慕之誠鄉里稱頌儼於自奉一絲一粟不敢妄費視人世紛華綺麗之習望望然去之若將浼焉

其處事以精密爲宗旨以勤幹爲作用取與之際尤一介不苟以是信用昭著慈人某君有質肆在姜村會計出入皆依賴焉辛亥光復事起閩貨權捐乏人主任迺屬君綜理其事鄞邑城區有濬河之役眾議推君爲經董周歷相視必躬必親費省而事以集輿論稱之早歲就傅旋即舍去嘗以過時不學爲憾顧性耽文墨披覽圖書輒知綱要文史與義或猝未易曉者必咨訪通人反復研究至瞭然而後已尙論古人往往有獨到之識見爲老師宿儒所不及知者閒作書牘詞達理舉斐然成章蓋天資高朗復能虛懷受益故所成就如此吁亦難能已今歲甲寅二月二十又四日爲君七十七生日趙君芝室來告屬余爲文以侑康爵君長余十年夙所兄事麥邱之祝臺萊之賡雖筆墨荒落猶能爲之無容多讓顧余與芝室知君至深諛頌之辭度爲君所不喜無已其述余兩家平昔之交誼與夫歷年所傾倒於君者道舊故以爲笑樂以博君之一粲儻亦君所首肯者乎是爲序

卷一

九十四明叢書
約圖刊本

述中校緣起

清光緒二十三年鉛山程公稻村知寧波府事與郡人嚴君小舫湯君仰高陳君季臺謀設中西學堂因湖西崇教廢寺爲校舍大率依據上海廣方言館章程注重泰西語言文字冀陶成英俊子弟以開風氣已由道府公署稟浙江巡撫及南洋大臣立案開辦矣繼乃商之吾友包君補園江君亭英袁君曜臣張君讓三及炳緯僉謂興學固善第事屬勦舉宗旨宜端否則流弊滋大且非得學優品端者主持校事安能招致才俊以張吾軍耶欲收成效則始基宜慎程公及嚴湯陳諸君深韙

卷一

十二 四明叢書

約園刊本

其議謂嗣後校事聽諸君子規畫可耳乃議聘慈谿楊君遜齋爲學堂總教習楊君學有根柢通知時事師範尤端朋輩重之楊君至謂非改訂章程不能從事張君讓三迺與炳緯合草儲才學堂章程卽名斯校爲儲才學堂楊君既主校事添聘侯官陳君繹如教授譯學江陰吳君成之教授算術其他經史詞章輿地等科皆楊君一身肩之風聲旣樹高材生接踵而至若王君蕺卿王君葦軒洪君樵舫林君孟垂朱君維周朱君賡堂劉君榮甫夏君仲彝王君雅林李君贊侯葉君叔眉何君

吟菴陳君契琴等先後凡百數十人稱極盛焉嗣楊君應京師譯學館之聘去校繼主校事者爲關君萊青江君北溟復值國家明詔興學設專部定課程由是科學稍稍完備生徒益于于來矣三十三年寧紹台道萍鄉喻公庶三謂儲才校舍迫狹不足以容多士乃撥南郊道廠基地數十畝建築新校屬炳緯董其事凡十閱月而工竣於三十四年二月遷居計費銀圓六萬有奇其詳具余所爲中校建築始末記卽今之浙江第四中學校是矣方程公勸設是校固無常年經費每歲以私函

卷一

十二 四明叢書

約園刊本

勸郡屬官僚捐助者十之四由城內外商店捐助者十之六歲得銀圓凡五六十未幾程公捐館款不時至而學校有舉莫廢十數年來當道輒屬炳緯奔走徵集不足則撥辦志文會原有之款爲中學存款歲收子金以資補助逮新校既啓存款皆供建築之用炳緯迺浼顧君元琛商之江北馬路工程局之主其事者歲撥銀圓二千七百數十以爲抵補逮宣統三年中學改爲省立支領省費舊日官商輸款及工程撥款或中止或借供他校云夫作事難於慮始程公筆路藍縷前無古人草

創章程固非易事其時擔簦負笈而來者類多知名之士棄其所優爲而攻其非所素習科舉未廢或父兄迫之就試輒於校餘私自溫習舉業冀得一當往往篝燈徹夜而不少休然試亦往往冠其曹偶蓋其用力視今學生加勤焉庚子拳亂邪說四播郡邑號薦紳耆合謀欲燬校舍以圖消滅斯校之存不絕如縷可謂險阻艱難備嘗之矣今校章悉循部定經費一歸省撥諸生得并心壹志研精科學從容講習馴致大成以視疇昔難易昭然矣雖然莫爲之後雖盛勿傳人亦有言靡不有

卷一

十三 四明叢書
約圖刊本

初鮮克有終竊願與於斯校者思其艱毋忽其易也

記中校建築始末

吾寧波之有學校權輿於湖西儲才學堂卽後之府中學是也方始創時因浮屠氏舊刹爲諸生絃誦之地齋舍無多且不適教科之用豈昔之人智慮有未周歟大輅椎輪之製土階茅茨之風文明漸啓制作聿新損之益之是在來者光緒三十年萍鄉喻公庶三來知府事越三年擢寧紹台道在官率作興事尤以興學爲亟見中校狹隘議擴而新之從郡人請撥官產南郊道廠地

若干畝俾供建築道廠者清時官設造船之區久廢不用鞠爲茂草背河面江地勢清曠無城市湫隘囂塵之氣開爲學校洵稱得地議既定喻公乃屬董君玉庭范君清笙暨炳緯任籌款及建築之事嗣童君以年老范君以事煩乃一以委之炳緯中學自撥受辨志文會儲款有銀圓一萬九千慮不敷建築之用爰從眾議斥賣湖西舊校及察院及同安公所凡三處共得銀圓四萬一千二百其由炳緯募集者有陳青州銀圓一千培養堂銀圓五百喻公復撥縣吏某報效之款銀圓二千以

卷一

十四 四明叢書
約圖刊本

益之惟是道廠以造船故有坎塹九深及尋丈填築平砌工繁而費重築不堅實房舍傾圮可以立待故施工益宜慎炳緯於工程素未諳習懼弗克勝范君清笙言其友石君純曉富有經驗可備顧問石君由工業起家輸萬金勸設鄉校踐履篤實有士君子之行炳緯爰舉鳩工飭材諸務一一與之商榷石君條理精密所論動中窾要其全校之布置若者宜堂若者宜室堂幾楹室幾所皆依孫君莘墅之草圖爲之任匠目某使分途覓集工料仍責其成於一人則陳君岷懷之所舉也石君